



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 4. Gloriam fugiendo assequeris.

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

S. Catharina Sen. in morte luctans cum demonibus, inter alia dicebat: vanam gloriam nunquam; sed veram gloriam, & laudem Domini utique. Bollandus 30. April.

§. IV.

Gloriam fugiendo assequeris.

Hæc, quæ non postulasti, dedi tibi. 3. Reg. 3. 13. Divitias scilicet, & gloriam. Naxera in Jos. 1. §. 38.

Inveni David servum meum, oleo sancto unxi eum. Pl. 88. 21. David à Domino inventus, postquam illum quasivit, non inter alios expectantem eligi, sed singulariter eum fugientem. q. d. David, ubi es? ubi ille, qui fugit honores? Denique fugientem honor, & gloria comprehendit. unde 1. Reg. 13. 14. *quasivit Dominus sibi virum juxta cor suum.* Escob. Mir. Chr. t. 1. l. 7. S. 4. obl. 2.

Præcepit eis, ne cui dicerent etc. Marci 7. 36. quia honor sequitur fugientes. Escobar, mir. Chr. t. 1. l. 7. Sect. 4. Obl. 2.

Moses negavit se filium filie Pharaonis. Hebr. 11. 24. Verum ipsa dignitatis, & divitiarum fuga auxit dignitatem. *Ecce constitui te Deum Pharaonis.* Ex. 7. 1. Fugiendo potentiam potentior factus est: factus est enim in Deum regi Pharaoni. Sancti Ambrosius in Pl. 118.

Sicut inter multas gemmas purissima gemma micat, & jubar solis parvos igniculos stellarum obruit, & obscurat; ita cunctorum virtutes, & potentias, suâ humilitate superavit; minimaque fuit inter omnes, ut major esset: & quanto se plus deiciebat, tanto magis à Christo sublevatur. Latebat, & non latebat; fugiendo gloriam, gloriam merebatur; quæ virtutem quasi umbra sequitur; & appetitores suos deferens appetit contemptores. Sanctus Hieronymus ep. 27. ad Eustoch. Epitaph. Paulæ Matris. Subinitium.

Si glorificari cupis, gloriam despice, & eris omnibus gloriosior. S. Chrysost. hom. 4. in Matth. c. 1.

Gloriam aliter assequi non licet, nisi gloriam fugiendo: nam donec quidem eam sectemur, nos fugit; cum autem eam fugimus, nos ipsa sequitur. Si vis esse gloriosus, noli gloriam concupiscere; si vis esse sublimis, nè te sublimem facias. Id. hom. 39. ad pop. Antioch.

Nil magis admirantur mortales, quam eum, qui gloriam aspernetur: nec quempiam majori laude, & admiratione prosequuntur, quam qui laudari se pro nihilo duxerint, aut magni fieri. Id. serm. de inanis glor. eupiditate.

Quò gloria plus affectatur, eò minus apprehenditur. S. Bernardus ep. 126.

Vide tit. Honor. Humilitas.

✠(o)✠

§. V.

Antidota contra vanam gloriam.

Magis cogitare debetis, quid vobis desit; quam quid vobis adsit. Quod habes, cavè perdas; quod non habes, supplica ut habes. In quantis sis minor, tibi cogitandum est; non in quantis sis major. Semper tibi displiceat quod es; si vis pervenire ad id, quod nondum es. S. August. l. 53. de V. D.

Qui igne Christi captus fuerit, talis sit, qualis esset homo solus super terram habitans: adeò ei nihil curæ est gloria, & ignominia; sed, quemadmodum si solus habitaret, nihil curaret; ita & talis quoque non curaret. S. Chrysost. hom. 52. in Acta.

Quod in se firmiter stat timore compressum, gravitate modestum, humilitate solum, puritate sanum; aurâ hujus vanitatis nequaquam leviter rapietur. Sancti Bernardus l. 39. in Cant.

Imitare in pavone diversitatis exemplum. Vider in pedibus rusticum aliquid, quod despicat; ignorat in cauda, quod eum mirabilem reddat. In promptu est, unde se debeat humilitate deprimere; post tergum gerit, unde valeat, quasi præ cæteris avibus superbiere. Te quoque quodammodo, quod in te virtutis est, lateat. Si quid verò vitiosum, ab aspectus tui iudicio non recedat. S. Petrus Dam. l. 2. ep. 12.

Pavoni pompatice se rotanti quidam lemma adjecit: *Deformes oblita pedes.* S. Bernardus spiritualis magister B. Alberti Sartiani, occurens ei cum Clero, & populo Cortonenfi; dum pro munere Nuntij Apostolici equo bene instructo insideret, hominesque accurrent, vel simbram tacturi; sanctus senex discipulo metuens de inani gloria, voce magnâ clamavit: Frater Alberte, respice ad pedes; memento mortis; cave, nè honores tanti plus æquò animum extollant. In Annalib. Minorum tom. 5. Anno 1441. n. 1.

§. VI.

Nihil tibi; sed Deo omnia, attribue.

Num. I.

Symbola.

Cccurrit ei unigenita filia sua &c. Judic. 11. 34. &c. Occurrit Sepsitæ virgo parenti bello reduci, laudes patris decantatura, & victoriam gratulatura; sed pater laudatricem pro præmio jugulavit. In bello sumus & nos: re præclare gesta nostra nobis filia prodit obviam, pulcherrimis nos elogijs ornatura. Hæc est, ut Origenes explicat hom. 5. in Gen. inanis gloria. Si vir es, si non vis labores cassos; jugula eam, Deo omnia adscribe. Drexelius de recta int. l. 2. c. 5.

ibant, & revertebantur. Ezech. 1. 14. Omnia spiritualis exercitij lucra referas ad illius gloriam, qui est Rex gloria. Fur enim, & latro es, si tibi aliquid inde usurpare præsumas. Illic, unde flumina exeunt, revertantur. Animalia apud Ezechielem *ibant, & revertebantur*.